

莆田水利志



68091

莆田水利志卷五

陳池養編

隄防

南北洋海隄

南洋海隄自興福里東山陡門東邊樓下埭至灣翁石埭

埭計隄長九百九十五丈一尺

安治府志

東山陡門西畔落

仔埭至鶯脰庵連江里接界計隄長七百三十丈 連

江里自鶯脰庵北至東角計隄長五百四丈 東角至

遮浪計隄長二百丈 遮浪新莊埭十三分埭曲灣埭

厝後埭計隄長七百六十一丈二尺 海濱自遮浪蘆

莆陽水利志

卷五

辛埭至港東後港西塔埭計隄長八百九十六丈四尺

六寸 屋江自海濱葉厝埭至陳埭尾船灣計隄長三

百七十三丈八尺 港東西邊至林墩陡門計隄長二

百餘丈 林墩陡門至港西計隄長二百六十丈 港

西至甯海橋南岸計隄長四百二十丈 甯海橋南岸

西歷下江頭至下埭計隄長五百四十丈 莆田里下

埭西歷游埭至西江計隄長九百六十丈 西江至清

浦西溝計隄長二百八十丈 西溝尾至洋城地方計

隄長四百四十丈 國清里洋城陡門至埭仔陡門計

隄長二百六十丈 南匿里章魚港至白埕計隄長九

百二十丈 胡公里古山陳使埭至熙甯橋頭計隄長
五百六十丈 熙甯橋上歷何厝至三涵計隄長四百
八十丈 維新里後廖至鄭坂計隄長四百九丈

北洋海隄自待賢里江口橋南岸至新豐埭計隄長三百
八十丈 新墩至南隱莊陡門計隄長四百四十八丈

南隱莊陡門西至永豐里下蔡東計隄長二百二丈
永豐里下蔡至下劉計隄長二百八十丈 望江里金

墩陡門南歷洋中半路亭至桐模計隄長一千三百八
十丈 延壽里端明陡門東至柴板橋計隄長三百二

十丈 新港陡門東岸至港頭計隄長三百二十丈

莆陽水利志

卷五

二

仁德里新港陡門西岸至利墩計隄長一百七十丈

利墩至港尾計隄長一百八十丈 孝義里新橋南岸

東歷大西埕後宮下蔡南埕至甯海橋北岸西歷鑿葛

鎮前三步吳塘西湖陳壩陡門共計隄長二千八百一

十二丈四尺 延興里接孝義里吳塘至東洋計隄長

三百三丈 東洋至港邊計隄長二百四十丈 港邊

至南箕計隄長四百八十六丈 南箕至蘆浦陡門計

隄長五百四十丈 蘆浦陡門兜至月峯莊計隄長四

百九十丈 月峯莊至樓前莊東廂地界計隄長二百

五十四丈 右海隄皆照埭編甲每甲管隄戶十名

隄照見種田畝分定丈尺修築

右東角遮浪每隄戶量散與饑民穀責令爲高與厚逐歲增添就上栽種樹木其根蟠結可卻風濤而東方地形闕乏亦於此遮補

按海隄被潮難以培植樹木根蟠土鬆反爲隄害至逐歲增添則不易之法也

吾莆水利南洋稱木蘭陂北洋稱延壽陂太平陂若夫築隄障海使外無吞齧之患內有耕鑿之安其功與陂相表裏前志闕而不言竊嘗思之海隄未築潮水西汎自唐長官吳興築海爲隄開北洋觀察使裴次元築海

莆陽水利志

卷五

三

爲隄開南洋

按以是考之東角遮浪古石隄蓋裴觀察所築也

於是得平土而居初未免

鑿塘開窟爲救濟繼而作陂築壩引水灌田南北洋始成樂土然東角遮浪正臨大海無島嶼爲蔽搏土以當海濤洪武三十年嘗敗壞矣永樂六年據應作三年又敗壞矣當時白浪長驅至壺山下草木盡死民無粒食逃散他郡爲保民計修築不可後也

海隄修築宜慎如濠塘學田外爲長隄宋嘉定五年修築欠固越四年秋潦暴至隄決一紀之間糜財五百萬三興大役將成輒壞郡人大府寺丞嘗發私儲佐之不克就以所辭俸錢八十餘萬擬更爲之通守陳公振孫

請增其費之半損益舊規參用新智隄始告成濠塘內地謀始弗固收功之難况東角遮浪當海濤勃敵乎上

海隄在莆田縣東朝水衝激舊以石砌明洪武二十年

折之以砌平海莆禧二城隄僅用泥築自後隨圯隨修

大清一統志

海隄惟南洋東角遮浪在東北方海潮衝激明屢築屢

壞

國朝康熙元年遷界盪為海十八年奉

旨展復二十一年知府蘇昌臣設法興修

福建通志

按福建通志載南洋海隄段落與宏治府志同縣

莆陽水利志

卷五

四

志丈數亦同惟東角遮浪隄功緊要稽載甚詳蓋自

折石隄後莆患海潮故也

南洋東角遮浪鎮海隄

東角遮浪古石砌海隄洪武二十年江夏侯周德興折

砌平海莆禧二城隄僅泥築三十年決者民朱存仁赴

京建言上差林汝楫同通判董彬起工協築縣志永樂

三年又決者民林孟達赴京建言得勘合協築四年

又決者幹黃元禮起工督築成化六年又決知府申

文撫按起通縣夫七千餘人移高更築十六年八月

颶風激浪隄又決知府劉澄起民夫協築二十三年

又決知府申文御史董復委同知柱籍督築 宏治三

年又決同知朱梅給築隄工食人稻一石 五六兩年

間颶風重作隄大決着幹謝養呈請計工助築 按縣志詳異安治六年海風大作海船入平田官爲繫渠乃出其秋沿里禾無收福建通志同 嘉靖十三年又決知府黃一道

築天地元黃四石磯用巨木雜竹爲樅內實亂石潮勢

稍殺乃疊石成之解官去同知譚鎧終其役東角建崇

勳祠遮浪建功德祠祀之邑人侍郎鄭岳記 二十九

年東角土石隄俱壞推官張淵委勘砌築發倉賑濟蠲

免秋糧 四十三年城陷民竄海隄衝決水溢薄城邑

人都御史林潤疏請帑金修治陂塘陡門海隄巡按李

蒲陽水利志 卷五 五

邦珍檄知縣莫天賦以東角遮浪爲要害支千餘兩用

石交砌 萬歷六年遮浪隄壞邑人尙書郭應聘請於

巡撫龐尙鵬得郡羨郵金四百兩釀隄田銀六百兩委

通判許培之督築計四百二十丈添設石磯邑人給事

中鄭茂記 十六年東角隄壞里人知縣謝應典等呈

御史劉鍊動支帑金五百七十五兩行知縣孫繼有重

修計四百八十二丈二尺 十九年知縣孫繼有申請

帑金一百六十餘兩加築石隄 三十年遮浪隄壞知

府李茂功申巡撫金學曾給備賑銀四百八十兩重修

添設石磯邑人通政使程拱宸記 俱同上

國朝順治十六年九月三十日颶風大作東角長隄盡壞

海水淹入晚禾絕粒

縣志祥異
建通志同

福

康熙二年築界牆自甯海東畔起至塘下爲長隄外爲

海蕩

縣志

八年展界斗南東埭等九鄉同築內隄自東

埭北接大孤嶼南抵鄒曾徐二十一年民復故里東

角遮浪以長隄未能興築於東華大孤嶼後漸築內隄

開墾

俱同

康熙三十年七月十五夜大風廿九夜又風海溢入隄

淹沒廬海船漂入沙隄五龍地方

縣志祥異福
建通志同

雍正十三年知府蘇本潔砌築埭田七百餘畝舉人郭

莆陽水利志

卷五

六

春卿副貢彭南金優行方大年募築石隄高九尺底五

尺面三尺長一千一百丈土隄高一丈底二丈面一丈

修東西兩石涵三載工竣邀

恩議叙有差

乾隆十七年八月初三日大風初四日海溢隄潰水至

水南沙隄等村沿海禾薯盡沒

縣志祥異福
建通志同

十九年八月

十三日颶風作海溢入隄禾薯盡沒

同七

乾隆三十九年八月間海溢隄潰禾稼失收 四十五

年隄壞於水舊西涵潰爲青龍港鄉民移高築隄改設

西涵 五十五年隄壞於水舊東涵潰鄉民移高築隄

改設東涵 五十九年秋海溢隄潰禾薯盡沒歲大饑
道光七年七月廿九日風潮大作隄壞八百餘丈知縣
王廷葵發南洋下洋民夫數千人搶築八日而畢九月
興工填青龍港五十丈建石隄一千一百十四丈砌東
西二石涵八年五月築附石土隄又築臨溝水埧內隄
九月採亂石十一萬五千塊坦護隄址 按隄成後道光
十二年八月二
十日咸豐元年八月初三日
俱風潮大作得免於患

附石隄砌築章程

- 一 隄寬七尺疊砌分六層第一層卽底石七尺用丁第
二層寬六尺六寸下順石上用丁第三層寬六尺下順
- 上丁第四層寬五尺五寸下順上丁第五層寬五尺下
順上丁第六層寬四尺下順石上卽面石全丁每層外
收四寸內收一寸 按要工底用八尺青龍巷及廟
後新立址加釘松木底石一丈
- 一 隄根極淨處竹絡內貯塊石外用竹籬竹絡長八尺
寬四尺高三尺丁順鋪放外釘長椿

莆陽水利志

卷五

七

- 一 亂石坦坡護隄潮勢激盪易於沈卸入溜於隄外用
木椿圍尺餘長丈餘排釘兩層留二尺土外亂石堆積
椿內則潮勢不患齧根亂石不患沈卸

一 浙塘土石相附爲一該處外障海潮內障溪水宜土

石相離各自爲固

按後仍照浙塘土石相附
另築水埧內隄以障溪水

一土性渾淖椿木用一丈八尺窪陷處所仍察辦

一石涵有關水則宜定尺寸詳見下

附 估計隄工每丈用石隄十一層高
一丈一尺

第一層丁石七丈石一尺一寸見方照九折實六丈三尺第二層順石六丈五尺實五丈八尺五寸第三層丁石六丈五尺實五丈八尺五寸第四層順石六丈實五丈四尺第五層丁石六丈實五丈四尺第六層順石五丈五尺實五丈第七層丁石五丈五尺實五丈第八層順石五丈實四丈五尺第九層丁石五丈實四丈五尺第十層順石四丈實三丈六尺第十一層丁石四丈實

莆陽水利志

卷五

八

三丈六尺每隄一丈用一尺一寸見方石五十五丈全隄一千一百十四丈應用石六萬一千二百七十丈又築東西兩石涵用石三千丈通應用石六萬四千二百七十丈

附 派船分運各山石料

最遠福清界太武青嶼圭灣南湖牛頭等山每石一丈船價二百文月運到石四次賞洋銀一圓五次賞三圓六次賞五圓七次賞八圓次遠大蚶山每石一丈船價一百八十文月運到石五次賞洋銀一圓六次賞二圓七次賞四圓八次賞六圓九次賞八圓最近白鷺埕口

等山每石一丈船價一百五十丈月運到石十一次賞洋銀一圓十二次賞二圓十三次賞四圓十四次賞六圓十五次賞八圓船載石三十丈以上者加賞二十丈以下八折十丈以下減半

附估計工料

每隄一丈用殼灰二十二擔每擔百斤全隄用二萬四千五

百八擔用紅土六十擔全隄用六萬六千八百四十擔

用長一丈八尺松木三十根察看工程險易地址堅浮分別計算全隄用

三萬三千四百二十根圓竹絡八百個長竹絡三百箇

碎石五百載載在竹絡匠工每隄一丈連釘椿砌石和灰壘

腳計用火工四十人小工四十人

以上章程皆委員陸我嵩所定後修築微有損益

建築石隄長一千一百十四丈高一丈一尺底寬七尺

面寬四尺

青龍港地低工險底寬一丈面寬四尺高一丈二尺

東涵砌石十一層長六丈二尺五寸面寬一丈八尺三

寸底寬二丈二尺涵口高五尺五寸寬二尺五寸涵孔

圓徑二尺

西涵砌石十三層長七丈三尺面寬二丈九尺二寸底

寬二丈三尺涵口高五尺五寸寬二尺五寸涵孔圓徑二尺

東頭一百丈地略高非海潮當衝底寬六尺面寬四尺

高九尺至七尺不等與中間隄面平

按今海潮當衝宜堆亂石並接築石隄

西頭三百丈地漸高非海潮當衝底寬六尺面寬四尺

高一丈至七尺不等與中間隄面平

按東角遮浪地勢最低無山爲蔽自明洪武間拆石隄搏土禦潮海遂爲患知府黃一道始累石隄築土附之定爲石隄官砌土隄民築然所謂石隄者縱橫交砌而已不數年而壞屢壞屢修隨經滄桑之變村落爲墟隄不可問矣 國初海寇未平徙民內地外隄既廢復界未築雍正十三年知府蘇太潔始填港

莆陽水利志

卷五

十

築隄有數其屈曲避潮者乃克就卽今址也後塔浦潰爲深淵溝海出入名青龍港又社後亦壞隄皆移築於內餘俱頽敗海潮抵隙而入埭田受讎賴清水滌盪因而多設涵洞潮退清水由隄鑊而出隄址旣虛鄉民五月間取泥隄外七月間築之八九兩月防守極難道光六年議濬溝東角遮浪以隄告知府徐鑑署通判李嗣鄴知縣王廷葵會勘宜修請濬溝後爲之是冬南洋分鄉開溝 宮保孫公以爲隄不築則海爲民患與巡撫汾陽韓公商同奏辦發浙江海塘志令仿照委署福防同知陸我嵩與署興糧通判

袁鴻同府縣募資鳩工堵截青龍港闊五十餘丈深
三丈以竹爲圓絡絡用三丈長椿三枚深釘橫貫杉
木竹篾爲纜聯絡牽掛絡內入土椿令堅實逐層加
高隄址以竹爲長絡用松木長椿四枚深釘貫以松
木內裝碎石爲基然後布石其舊址堅實者以舊址
爲骨內外兩行排椿深釘舊址全無者中加梅花椿
內外兩行排椿隄壘石十一層石見方一尺一寸丁
順互砌底八尺每二層一收面四尺層層灌滿灰漿
計長一千一百十四丈設東西石涵以洩埭水九月
興工次年四月告竣知縣王廷葵督隄戶築附石土

隄一千一百十四丈遮浪三門港以東東角慈聖門
以西中間要工八百丈面五尺身三丈加盤二丈爲
五丈又自遮浪西海濱交界起至東角鄒曾徐交界
止築水埤內隄以擋清水隄外松木深釘竹絡裝土
堵截各港險處絡實碎石猶虞大潮盪挾 宮保籌
款發辦亂石十一萬五千塊塊二百斤堆護隄腳西
涵以東廟後以西土名殼港地逼大溜添設石磯尙
有應計畫者列於後

一東角遮浪海隄之險潮擊於外水盪於內也人知
隄之患潮清水之患無言者不知木蘭水及寶勝

溪梁溪發漲雖有洋城林墩二斗門宣洩餘漲仍及下洋沙隄以內及程洋諸山之水助之必決隄以入於海東角遮浪地形最低水埠內隄藉以抵禦清水保護海隄宜年一培修三年大修務極高廣多載瓦礫爲護近溝築低田使隄與溝遠無衝決之虞亦絕私開涵洞之弊

道光十四年池養用灰漿攪灌兩涵底穴稟署知府許原

清募砌東角第二洋溝每尾港程家厝邊溝三處水埠石隄共七十餘丈二十七年用石砌東角第三洋石牌夾二石涵洩浪瞻齋隄石涵又東角慈聖門水涵改石冬砌遮浪十四畝水埠石隄八十丈又二十九年重修東角無尾港石隄又東角顯墩水舖土隄砌石二丈又遮浪觀音亭墩郭墩通水涵二涵

築堤車嘴一俱砌石

莆陽水利志

卷五

十二

一石隄內附土隄宜於夏末秋初責該隄戶幫寬隄身加高隄面隄盤其土取之隄內十五丈以外每

五年一律培補

道光二十二年後池養屢搜築漏孔堵截隄外塌處三十九年遇旱河乾土淤東角之青龍港及社後遮浪之太師廟後俱添高隄盤並築半隄全隄浦處逐一招深加工堅築無患

一石隄灰縫被潮刷空夏間小潮用好灰料堵塞稍乾加工磨擦風潮不能搜孔應五年黏修一次

一隄外最宜填淤卽縣志所稱草埔是也種蠶養鴨爲隄害宜嚴禁

一東西二石涵送水應多載大石堆護

道光二十二年池養運石並載隄

邊舊存條石填護二十九年西涵漏水鋪大石三層滿灌灰漿又兩八字各砌石二丈又東涵兩八字各砌石一丈八尺

一東涵下大港邊宜添設石磯

道光二十二年池養呈知縣裕鐸募募填東角社後隄外大

港邊殺潮石磯塚石二萬塊塊二百斤用錢八百餘鎊今東涵之東又宜再添石磯

附各隄

南洋溟水港隄

連江里溟水港隄萬歷三十七年邑人檢討周如磐

捐募砌築石碼

縣志按卽石磯在清江下游與填磯之清江洋城附近

南洋埭口隄

埭口古海隄長九百九十五丈內田一千餘畝雍正

十三年知府蘇本潔飭居民一百四十一家自築土

隄官爲給帖承墾其石隄官築用銀一千三百兩有

莆陽水利志

卷五

十三

奇縣志

按卽明洪武時材用震所墾之田惟飲東山水則

之水水少田多未能墾熟嗣歸涵江李姓碎石砌

隄內附以土溝渠未成條串受累

北洋杭口隄

北洋杭口隄乾隆十九年淫雨連旬隄壞十二丈二十

年知府宮兆麟知縣汪大經令附近十四鄉業佃計畝

築石隄御史廖必琦記

縣志

嘉慶十年隄壞於水邑人舉人羅疇生接築石隄

道光四年秋大水隄壞十四丈瀉流入海中港深四丈

三尺北洋環城溝濶知縣王廷葵倡捐邑人前武昌知縣陳池養武生陳一清募接築石隄右連土隄內外磊石堆積亂石

開接隄在南廂杭頭本蘭水分入北洋溝逼於海明正德間隄潰知府馮馴修築名馮公隄 國朝乾隆五十年重修十三年潰二十年造石隄立址太高隄下漏水嘉慶道光兩次接築而乾隆時所造之隄漏久成穴咸豐八年六月遇旱疊石黏灰填塞堅實

北洋月峯隄

月峯隄在延興里蘆浦海逼大溝此次松木排椿深釘編竹運所開瓦礫叅和泥土堅築以障內水惟海港內侵宜堆石礮數道

北洋韓壩隄

韓壩隄在孝義里陳橋海道內逼乾隆四十八年秋隄潰知府柴楨捐築用木爲匾櫃中空蒲土鑿孔貫椿木深釘始克成功鄉人立石以頌舊潰處深不可測運所開廢沙填滿惟隄外爲潮所齧應堆石礮

按上南石礮作西林埭隄

北洋孔泄隄

鎮前孔泄隄在莆田縣鎮前村長四十八丈乾隆十一

年築

大清一統志

鎮前孔泄隄乾隆十一年知府灝善詳憲興築邑人知縣程大僖捐金協築士民以灝公名隄暨碑道左按查
孔泄隄於乾隆七年洪水衝壞僅就浮嶼宮清水洋兩處築壩禦潮環隄田畝悉陌沮洳至是修復

按北洋各隄向稱馮公隄為要害此外如蘆浦之月峯陳橋之韓壩皆溝海逼近衝決害全洋此與南洋下橫山村西之隄俱宜早為之所

按沿海隄防險易不同按田分工勤惰不等毋歲夏收後應令普加修治又水埤內隄亦宜培築

如於今昔取宜又水畝內則亦宜培築

如於今昔取宜又水畝內則亦宜培築

如於今昔取宜又水畝內則亦宜培築

如於今昔取宜又水畝內則亦宜培築

如於今昔取宜又水畝內則亦宜培築

如於今昔取宜又水畝內則亦宜培築

如於今昔取宜又水畝內則亦宜培築

如於今昔取宜又水畝內則亦宜培築

祠祀

裴觀察廟

裴觀察廟祀唐觀察使裴次元及御史蔡禧在黃石

紅泉宮在府城東南黃石唐元和八年觀察使裴次元於邑之紅泉築堰緒水墾荒地為田三百二十有二頃歲収數萬斛以贍軍儲光化二年監察御史蔡禧知紅泉屯事亦有惠於民宮祀次元及禧國朝成化間典祠者私割地鬻諸人里人白於官復之仍重修邑人黃仲

莆陽水利志

卷五

十六

昭記

八閩通志

裴觀察廟原注今黃石紅泉宮按宋志唐元和八年觀察使裴次元

於莆田墾原注洪作紅泉築堰緒水墾荒地為田三百二十

二頃歲収數萬斛以贍軍儲原注見林光化己未有監察

御史蔡禧知紅泉屯原注禧五代末田為陳洪進所有入

宋籍沒給民分佃由是觀之北洋滕海吳興之力南洋

滕海裴次元之力宮祀裴公後雜祀他神成化間典祠

者以地鬻人里人白於官復之宜正其額曰裴觀察廟

以蔡公附之餘可撤宏治府志

裴觀察廟正德壬申火焚諸生即其地建水南書院儀

明東偏仍爲裴蔡祠嘉靖壬午里人方夢雲卽舊石磐堂改建新祠專祀裴公後圯萬歷甲辰府尹吳獻台募建有記縣志

吳長官廟

吳長官廟祀唐吳興在府城北五里有司春秋致祭

孚應廟在孝義里唐神龍中郡人吳興壞海爲田陂延壽溪灌溉有蛟爲孽陂數潰興持刀沒水與蛟鬪三日刀出吳刀洋血濺赤橋洋與蛟俱斃鄉人立祠祀之宋咸平初邑人鄭良爲傳元豐二年大其祠宇大觀三年郡守詹丕遠以興有大功於民且禱雨獲應奏賜今額蒲陽水利志 **卷五** 十七

紹興十九年郡人陸奐奏封義勇侯國朝永樂十二年府通判董彬修八閩通志 宏治府志畧

里人傷興立廟祀之宋累賜廟額曰孚應侯爲義勇侯 應

作義勇侯 皇朝嘉靖中名廟曰吳長官秩祀典 闕書

吳長官廟在莆田縣北五里祀唐吳興有司春秋致祭

大清一統志

吳長官廟在郡城北五里長官名興唐神龍中捐貲築

延壽陂溉田復築長隄障海開溝六十道有蛟數潰隄

持刀入水斬蛟與俱斃鄉人立祠祀之宋紹興中封義

勇侯明巡按李元陽檄修祠宇萬歷甲申裔孫吳獻台

重修春秋二祭

福建通志

嘉慶十年裔孫吳孟重等重修

李長者廟

李長者廟祀宋李宏在府城木蘭陂有司春秋致祭

李長者廟在木蘭陂上長者名宏侯官人傾貲築陂灌

田邑人德之立廟祀焉

明一統志

協應廟在木蘭陂南岸祀宋李長者宏宣和初郡守詹

時升福之曰李長者廟初長樂錢氏女叔陂垂成而敗

繼而同邑林從世復創亦敗錢氏女憤功不成赴水死

縣委主簿黎畛核實嘆悼暴卒郡人因塑錢氏林從世

黎主簿三像祀於廟淳祐間更建前後二堂前祀長

莆陽水利志

卷五

十八

者以林黎二人配後祀錢氏郡守趙與禋請於朝通賜

額協應後封長者惠濟侯錢氏惠烈協順夫人元延祐

中總管張仲儀遷長者像於陂上見思亭以舊廟專祀

錢氏女至順元年同知廉大悲奴拓而大之新長者像

於中林黎列於左涅槃智日列於右判官林定老記

八關通志

今按錢首事李成功林不成功而用心良苦皆不可不

祀錢李異廟得體李廟當附林從世廟之祭禮雖有前

代原撥官租但民間私行之當請列祀典

宏治府志

李長者廟在莆田縣南木蘭陂長者名宏侯官人宋熙

寧中傾貲築陂以溉田邑人德之立廟祀焉

大清一統志

李長者廟在木蘭陂下明景泰元年知縣劉玘修廟塑
長者衣冠像宏治乙丑郡人御史周進隆疏請祀典劄
行有司昔廟歲致一祭今與吳長官並春秋二祭

縣志

錢神女廟

錢神女廟祀宋錢氏女在城南木蘭陂國朝道光八年

士民公懇宮保總督孫巡撫韓奏入

祀典東作時有司致祭一次

錢聖妃廟在協應廟西祀長樂錢氏女詳協應廟下永
樂十年通判董彬修又本里香山有廟宋寧熙八年建

國朝洪武十四年重建

八閩通志

莆陽水利志

卷五

十九

錢妃廟在郡城南木蘭陂上妃宋長樂錢氏女築陂不
就投水死邑人祀之景定初封惠烈協順夫人廟後崇
功祠祀十四家皆先後捐金修陂者陂下二里許有廟
如沒水時屍流至此香聞山下鄉人祀焉號香山宮每
風雨夕隱隱見雙燈自山過木蘭陂故老傳爲四娘巡
陂云明鄭善夫詩滄海未銷錢女恨路人懽誦李侯碑
秋深極浦生寒水神至靈風滿素旗蓋謂此也

八閩通志

錢妃廟在木蘭陂下卽宋時協應廟也廟後崇功祠祀

十四家十四家者司法參軍余子復文林卽朱伯震武
顯卽余彬承信卽余騶承奉卽林國鈞承信卽顧筠武

翼卽朱公虞承信卽縣尉朱珪子校尉朱貴推官朱拱
作院使吳諷將仕郎陳汝翼推官朱虞運使朱枚當長
者築陂時嘗捐金佐費捐田開溝者也明正德六年生
員李熊呈陡錢妃廟於長者新廟之西十四家子孫競
訟至十六年官判照舊廟地建復萬歷癸巳十四家裔
孫朱別駕彬觀察使文科等重修崇功祠

縣志

按正德八年生員李熊移錢廟於李廟之西十二年
知縣雷應龍刊陂集十四年十四家後裔許控巡按
御史周鶴提訊以熊非長者宗派香燈田追官熊父
崇孝疏辯禮部奉旨移咨都察院行巡按御史沈灼
案行府縣訊明李熊復宗照舊收租奉祀香燈十四
家照舊收租關防水利祭賽神祇申解覆審贍註錢
廟舊式令十四家自備土木復建故墟十四家祠位
仍在錢廟之後自是李氏子孫與十四家後裔情同
水火噴有煩言辯宗奏復宗帖俱載陂集

附雍正八年福建修志案

雍正八年巡撫趙國麟纂修閩志十年三月志館單稱
新修通志草檢興化府孝義部內有余子復一名原從
莆田縣志錢靈妃廟條下纂入志云廟後崇功祠祀十
四家十四家者司法叅軍余子復等當李長者築陂時

嘗捐金助費捐田開溝者也水利有功民生故將余子復修入義行部而以十三姓名氏附傳中因纂選舉查余子復係紹熙元年進士距李長者宏於熙寧八年應詔修陂相去百有餘載更閱黃伸昭宏治府志載木蘭陂水利原委亦只言設陂司人役十四人無子復名字又按木蘭陂集係官刻明正德丁丑所刻所載陂司姓名有余編余彬余士端等無子復名字不知縣志於何徵信舊年有莆陽木蘭陂水利志一册係十四家私刻內載明員外郎陳中撰記與石刻碑記互異據此一篇其中登載附會不少此册不知何人刊刻卽縣志亦不

可盡信如此合將余子復並十三人依縣志附載錢靈妃紀事內除去孝義庶爲確當詳請憲裁撫軍飭縣查明十四姓裔孫朱載等呈辯知縣王玲詳轉七月奉趙撫軍批本司詳莆邑木蘭陂助成余子復等應否俯賜飭補義行傳中緣由蒙批考木蘭陂經始熙寧八年告成元豐五年查十四姓內朱賡隆興元年特奏名距熙寧九十餘年余騫紹興四年特奏名距熙寧一百二十餘年朱珪紹定五年進士距熙寧一百六十餘年不特余子復之距熙寧一百十餘年也時之相去如此而謂此十四人捨錢於百年前以助長者之功有是理乎若

論二朱二余皆另有人恐同姓名者不若是之多卽據
送到黃仲昭府志內云官選土著大家食陂之利者輸
差正副以司財穀巡視而修治之時在選十四家而諏
與焉是吳諏乃後來充正副之選者不與長者同創始
明矣木蘭新志所載捐錢捐田事何所據乎秉筆垂訓
將以信今傳後非確有可據寧略毋詳若余子復等果
係同時捨錢七十萬捐田五千畝與長者之功同其顯
灼則宏治萬歷修志諸公豈不爲余子復等特立一傳
詳其事蹟留於後世乃一附靈妃廟下一附木蘭陂註
黃仲昭亦只言先世有功於陂不言有功之實蓋以世
莆陽水利志

卷五

廿二

遠年湮修之恐失其實削之又非與人爲善之心今仍
而不改亦猶黃林康三公修志之意與長者子孫何所
益於十四家子孫何所損而爲此嘵嘵乎仰飭遵照毋
生異議

縣志

馮太師廟

馮太師廟祀宋神僧智日在木蘭陂北岸

馮大師廟在木蘭北岸卽僧智日助李長者築陂者今

廟圯附祀長者祠內

福建通志

馮太師廟在北岸師名智日嘗貰酒長者家三年不責
酬謂長者曰當與子遇木蘭山前及長者應詔至莆智

曰先在齋禱之夕智日於今址截溪插竹朝成竹樊先是人問黃涅槃溪陂幾時可築答云逢竹則築於是長者嘆曰逢者馮也百年懸讖應在今日智日又圖蒼龍以貽長者投二楹於江一以上覆一以下承而去長者依竹爲隄功成不爽萬歷三十七年郡守王嘉忠委經歷方大成修陂請建廟北岸扁曰馮大師廟邑人知縣余翔記後廟圯附李長者祠內康熙四十年重建

縣志

昇仙祠

昇仙祠祀宋李宏在大孤嶼

昇仙祠在大孤嶼 國朝康熙十五年海氛截界祠焚

蒲陽水利志

卷五

廿三

被佔雍正二年裔孫樹本呈復五年裔孫雲卿重建

縣志

按陂集長者卒於連江大龜嶼有祠曰昇仙元中丞

鄭 重建

李長者墓

李長者墓在興福里東山灣翁巖下

長者李宏墓在興福里石頭巖下

縣志

附陂田

李長者宏原築五塘贍陂租穀二千六百五十五石八斗八升撥八百石設陂司委子孫管掌修陂其餘捨撥

詳林尚書碑記

宋宣和元年知軍詹時昇陂司規例

水蘭陂所管陂田遞年糶穀三百三十石四斗內除一百單五石與正副酬勞並穀十二石與小工充守陂開外故二百一十三石四斗並糶錢六百一十三貫足

一本陂所管上段夫工錢一千貫遞年喚集多是婦女小兒今本工追錢四十五文從本陂僱工修陂例於十一月追取入陂司

一本陂大孤嶼夫工二千二百貫每年五月起夫修築埤海今每夫追錢二十五文入陂司僱工修築

莆陽水和志

卷五

廿四

一本陂管新塘夫工及塘下夫工二千一百貫今每夫

追錢五十文付本陂僱工開淘沙圳路及修陂用例十

一月納

以上畧節陂集

宋紹興二十一年縣丞陳彌作申明戶部陂司規例

興化軍通判主管司據莆田縣丞陳從政申呈伏見管下南洋上中下三段民戶田受種數千石遞年納官糧三萬七千斛築海爲田惟藉湖塘六所潞蓄時雨資灌遇旱公私艱食神宗熙寧中三山李長者宏創水蘭陂引水溉田向日積水湖塘民得以田受種一千二百四十餘石率產輸租增益歲計甚傾則支闌圯則易圳壅則疏圍缺則補正副糾役財款足用全賴陂司得人比

年所差正副多緣僥求視水利無一分顧惜歲中造帳恣意侵欺錢穀侵失民田亦隨圯壞也議欲革去四弊立五例伏乞行下遵守

一乞革寄莊充役之弊木蘭陂以土着有陂分大田戶輪差正副緣有浩大田畝乃肯爲衆盡力年有酬勞日有食錢厚加優潤絕侵欺之心比年寄莊田戶冒名僥求盜賣陂田漏洩水利各以敗露事具案牘夫人遠離鄉土甘心執役決非良善必肆侵欺頃年知郡張直講詳究弊源專有指揮不得差寄莊戶乞賜止絕

莆陽水利志

卷五

廿五

一乞革執占拖欠之弊木蘭陂抽撥三塘田地利遞年一稅令有陂分人輸納舊例散糶細民以防拖欠陂正副多不得人執佃欠租巧計蠲免陂司文帳徒有虛名典掛陂田不可復贖今只責細民召保承佃成熟日依原額送納本色責保人均備取足士人家不得執佃

一乞革典田舉債之弊木蘭陂例選土著上戶充正副緩急有以憑藉若典田舉債以自困匱則正副何賴焉往年盜典陂田未能盡贖知郡詹大夫申明禁止陂正副雖稍遵約束往將田租舉債比至收成大破利息今乞止絕陂司闕錢正副代支欠債利息文帳不理

一乞革非泛科輸之弊本陂抽撥錢穀備支傾補瀉之

費比年官司科輸駸駸相及官取一吏取十陂正副從而因緣巧破所費不貲夫官中歲計半在陂司不爲之地而反以困之陂司錢穀卽常平財穀萬一敗露如三尺何今乞向後勸農免到陂亭非泛科輸嚴賜約束

一以管財穀陳塘田許塘橫塘新塘田唐坑田大孤嶼奇零田白水田已上五項計收穀五百九十三石橫新塘子頭錢白水田子頭錢大孤嶼夫工錢私埭夫工錢上段夫工錢大孤嶼浦草錢圳口錢八項年收錢三百七十七貫二百六十二文右件錢穀永爲定例 二輪差正副各要正名 三興工修築各要著實 四年中

蒲陽水利志

卷五

廿六

神福已有定例 五幹當酬勞永爲定例

載陂集及宏治府志

明官撥香燈酬勞租穀

一協應廟春秋香燈租穀六十四石 一昇仙廟春秋香燈租穀七十五石 一陂正副租穀一百單五石春秋祭賽衙福等用酬勞租穀一十石 一小工酬勞租穀八十一石 一錢李二廟打掃燒香酬勞租穀二十四石田二十二畝並陂頭園一頃受種一斗 一甲頭酬勞租穀一十石以上香燈酬勞共租穀三百六十九石不科糧差 陂集

水蘭陂禁約榜文成化四年知府岳爲關防水利事照

得本陂一原撥租穀一百單五石陂正副輪收自二月初一日起坐陂提督小工修整閘岸並巡視水利春秋祭賽一租穀一十石每月初二十六衙福一租穀一十石甲頭隨使上下及巡視水利工資一租穀八十一石小工收取爲工資日食一租穀二十石小工擊鼓燒香打掃二廟一租穀一百三十石後裔子孫奉祀昇仙協應二廟香燈仰各照舊祭掃堤防水利陂集

初李長者立陂司錢穀置陂正一人陂副一人甲頭一人小工一人水手一人各有歲勞日食錢國朝陂司已廢田土尙存版籍計田四頃九十畝七分除撥酬勞陂

正副及祠廟香燈三項二十四畝八分不科糧外餘田一項六十五畝九分歸官科糧如制宏治府志八閩通志同

國初因明舊李長者戶下等田不列徵冊雍正五年知縣于沛將李長者戶下田地山蕩報陞歸公七年入額徵解乾隆十年知府蕭詳請題豁布政司高飭查以該縣存留款內有無支祭李長者所免銀米從前曾否詳明有案知縣周世紀申覆知府蕭轉詳以覆查莆邑李長者戶下免徵銀米列代不列徵冊供辦祠廟香燈請照例准免其莆邑存留款內有額編李長者祭銀二兩三錢七分應聽支給致祭批據該縣存留款內額載

李長者春秋祭銀二兩三錢七分是本祠已有祭典
下田地免徵銀米既未詳明有案仰另詳入額署知府
灝善詳據知縣周世紀覆查李長者建木蘭陂溉莆邑
南北洋田地所有長者田地概無科徵以供祠廟香燈
其遞年存留銀兩給辦春秋祭祀一供祀典一供香燈
並無冒免合再具印結詳送由府加結申轉又駁斥十
一年三月日長者裔孫李世尙等赴巡撫衙門具呈以
祖宗傾家建陂遺惟蕩瘠供奉香火奉查奔候惟艱謹
檢縣志陂集繪圖錄呈轅下乞念創建鉅功酬勞成憲
准照舊歸結弛撫周批李長者田地蠲免糧差縣志可
據久經豁除不在現查請免之例仰卽查詳完案不必
駁查滋累志三本並發隨詳繳經布政使司高詳稱查
李長者本祠祀典支給有案所有戶下田畝從前未據
府縣將免徵緣由詳明茲查志載李長者不科糧香燈
田一百四十畝是本戶糧差久經蠲免所有李世尙戶
下銀米應准優免合將原奉批詞合志書黏連詳覆示
遵奉批如詳飭遵照舊優免

陂集

世惠祠

世惠祠亦名太和廟祀唐太守何玉宋端明學士蔡襄知
軍劉諤知軍曾用虎明推官章葉祠在吳塘有司春秋

致祭上圳十三甲又建於楓嶺俱在縣北與教里

太和廟在縣北二十五里興教里八閩通志作在太和塘福建通志作在吳塘按

偽閩時置太和塘溉田五十頃宋嘉祐中知軍劉諤築

太平陂溉田七百頃廢太和塘及東塘屯前塘為田熙

寧中官撥太和田償陂作 紹興二年里人立廟祀之

元至正十五年重修今鄉人但呼太和廟官府當為正

名額安治府志○按各志皆作唐何王

太和廟在興教里吳塘唐何王置太和塘溉田被侵沒

宋蔡襄奏復嘉祐中知軍劉諤築太平陂廢塘為田熙

寧中官撥太和塘償陂作紹興二年里人張應六等立

莆陽水利志

卷五

廿九

廟祀之紹定中知軍曾用虎重修陂籍田屬囊山寺收

租為修陂之用元至正十五年張安節重修廟明嘉靖

中田沒於僧本府推官章彙查復田租一百四十四石

貯縣備修陂葺祠王戎祠燬隆慶壬申分守熊琦行郡

重建並祀何蔡曾章四公扁曰太平陂世惠祠郡人都

御史郭應聘記縣志

國初吳塘楓嶺二祠俱壞康熙二十二年鄉民募修道

光四年春知府徐鑑閱陂見楓嶺祠壞諭修理松坂劉

仲明捐修吳塘祠現亦應修按吳塘世惠祠已於道光年修固

按木蘭太平二陂俱有陂田皆築舊塘為之太平陂

成廢太和東塘屯前三塘爲田熙寧中官分太和田
償陂作而籍其餘及東塘屯前塘爲修陂計縣志載
歲得租六百九十石紹定中知軍曾用虎籍前田屬
囊山寺僧明田沒於僧推官章彙查復租一百四十
四石今存田七十二畝吳塘前莊承種糧納何劉曾
戶下所鳩陂銀每畝折錢備吳塘世惠祠祭祀及修
理下圳認辦工程

年納修陂銀二十四兩九錢又春秋律貼辦
參銀二兩九錢四分五釐又每年捐香燈銀

四兩三錢

一分

岳公祠

岳公祠祀明知府岳正在城內小西湖扁曰名德殊勳紳

莆陽水利志

卷五

三十

士春秋致祭

岳公祠在小西湖左祀岳太守正報濬湖功也倭變祠
燬湖壅又梅峯後驅雷壇爲郡城龍脈掘土築城爲坑
塹萬曆四十七年分守徐良彥濬湖填塹重建岳公祠
南北隄栽桃李清查祭田二十八畝零供春秋二祭郡
人並祀徐公一祠在書院東

慶聯志○按祭田
非或縣志

乾隆十二年知府顯善築孔泄隄重築城內河疏西關

水源設洞橋郡人合祀岳公祠邑人御史廖必琦記

崇勳祠

崇勳祠祀明知府黃一道同知譚鎧在東角今址存

崇勲祠在東角嘉靖間建祀知府黃一道同知譚鎰萬
歷間續祀知縣孫繼有邑人都御史林潤皆有功於海
隄者也又遮浪功德祠亦祀黃一道譚鎰林潤續祀通
判許培之推官馬天錦鄉人取埭田十畝供香燈縣志
按遮浪功德祠亦廢

報功祠

報功祠祀宋節度使陳洪進端明學士蔡襄繡使方庭實

明布政使黃璉在前王山下東來寺旁又建於石庭之

上林亭

按陳洪進創南安政慶歷間蔡襄重修紹興間方庭

莆陽水利志

卷五

實用石壯基明黃璉重修即縣志劉待賢永豐望江

三里食其利者爲祠祀之府縣志未載

明布政使黃璉在前王山下東來寺旁又建於石庭之
上林亭
按陳洪進創南安政慶歷間蔡襄重修紹興間方庭
實用石壯基明黃璉重修即縣志劉待賢永豐望江
三里食其利者爲祠祀之府縣志未載
明布政使黃璉在前王山下東來寺旁又建於石庭之
上林亭
按陳洪進創南安政慶歷間蔡襄重修紹興間方庭
實用石壯基明黃璉重修即縣志劉待賢永豐望江
三里食其利者爲祠祀之府縣志未載

莆田水利志卷五

陳池養編

章奏

修復莆田縣水利原奏

奏爲修復莆田縣水利情形恭摺具

奏仰祈

聖鑒事切照福建興化府屬之莆田縣額征地丁銀數甲於通

省其東南數十里地名南洋平田約二十餘萬畝全賴水
蘭陂溪流灌漑溪水發源永春德化仙遊三州縣匯三百
六十澗之水以趨於海其初溪水爲鹹水所蕩不能資漑
莆陽水利志

卷五

三十二

宋治平元年長樂錢氏室女四娘罄其家資於溪之上流
將軍灘前築陂甫成被潮衝毀長樂進士林從世繼之工
亦未就至熙寧八年侯官人李宏俗呼李長者應詔於水
蘭山下立陂疊石布柱犬牙鉤鎖爲三十二牘上受諸溪
下截海潮名爲木蘭陂陂右疏渠以導清水演爲大溝七
小溝一百有九溉南洋田三十餘里於洋城林墩東山三
處設陡門澇啓旱閉以時宣洩其東角遮浪兩處築石隄
一千一百丈以禦海潮元總管郭朶兒張仲儀復於陂西
開萬金陡門分其流爲大溝三小溝五十有九以溉北洋
田畝由是水利大備旱潦無虞皆成沃壤自明代及

國朝初年各隄屢經修理溝渠並未開濬閱時既久南北兩岸傾塌壑陷嘉慶二年莆邑大水溪流暴漲陂之上流膠沙淤積右渠之口壅塞水勢疾趨於北南洋之水漸涸又因壺公山澗水挾沙石而下荷包瀨總渠爲其所遏大小各溝皆不通流加以陡門石隄日久損壞難障海潮以致倒灌歉收嘉慶二十二年二十四五年及道光二年遇旱尤多爭水釀事之案臣爾準於道光三年蒞任後查悉情形飭府縣設法興修訪有莆田進士陳池養曾任直隸武邑縣知縣熟諳工程先在該邑督修太平南安兩陂著有成效令其到省面與熟商約需十餘萬兩計築壩堵水造隄建

莆陽水利志

卷五

三十三

屆購料僱匠估需實銀六萬餘兩其運石挖沙開渠濬溝卽就該處田疇享其水利者派夫可省夫價四萬餘兩臣爾準率藩司惠顯前臬司張青選興泉永道倪琇興化府知府徐鑑署興糧通判袁鴻莆田縣知縣王廷葵捐廉倡始隨據童生鄭道立等先後捐輸番銀四萬餘圓卽延陳池養率同該處士民督工監修擇道光六年四月二十二日開工臣克均到任又復捐廉出示剴切曉諭臣爾準自臺灣回省紆道履勘丁夫數千人工作甚勤傳語獎勵極爲奮勉茲據該府等稟報木蘭陂兩岸石工拆修添築已於十二月初十日工竣荷包瀨卽於十二月十三日開工六

小各溝陸續開掘惟東角遮浪二處從前石隄僅高九尺底濶五尺頂濶三尺石料損失十不存四現在添石修築加高二尺以期穩固工程浩大報竣需時所捐不敷稟請奏明將各紳士捐數最多者俟工竣日照例分別獎勵以期踴躍經藩司吳榮光詳請具

奏前來臣等覆查木蘭陂灌漑民田二十餘萬畝利益甚大工費浩繁該處紳民樂輸以成善舉既據該府等懇請

奏明照例分別獎勵自應據情具

奏俟工竣後核其捐數最多尤爲出力者分別

奏請獎勵俾捐輸督辦諸人益臻鼓舞臣等謹恭摺具

莆陽水利志

卷五

三十四

奏伏乞

皇上聖鑒訓示再此案工程係由外捐辦其捐項出納悉由紳士經理概不假手吏胥該紳士等不諳工程則例將來報竣之日應請免其報銷以歸簡易合並陳明謹

奏道光七年二月初二日奉

上諭孫爾準等奏修復水利情形一摺福建莆田縣木蘭陂建自前代上匯諸溪下截海潮灌漑南北洋平田二十餘萬畝近年屢經暴漲泥沙淤積陡門石隄日久損壞以致頻歲歉收經該督等率同該處士民捐輸督修所辦甚屬有益殊堪嘉獎現在木蘭陂南北岸石工修築報竣統俟各

工全行蕺事該督等卽核其捐數最多尤爲出力者分別
奏明再降諭旨此項工程係由該處紳民捐辦着毋庸
造冊報銷該部知道欽此

修復水利增築石隄工竣覆奏

奏爲修復莆田縣木蘭陂水利增築東角遮浪石隄全行工
竣恭摺覆

奏並道

旨將捐輸最多紳士及督辦出力人員仰懇

聖恩分別獎勵事切照福建興化府屬莆田縣之南北洋田畝

全賴木蘭陂溪流灌溉歲久陂壞溝淤經臣等倡始督率

莆陽水利志

卷五

三五

寮屬紳民捐輸修復先於道光六年十二月具

奏奉到

諭旨木蘭陂水利該督等率同該處士民捐輸督修所辦甚屬

有益殊堪嘉獎統俟各工全行蕺事該督等卽覈其捐數

最多尤爲出力者分別奏明再降諭旨此項工程係由該

處紳民捐辦著毋庸造冊報銷該部知道等因欽此轉行

欽遵在案臣等查莆田一邑爲永春德化仙遊三州縣之

水所匯城南卽瀕於海昔人於木蘭山下建陂截流分二

派一流南洋一流北洋用以分灌田疇北洋去海稍遠所

流皆涸流水淡而地平其爲陂也層累相承橫截溪流星

田之所受分高下以輸之南洋兼受溪海之水鹹與淡水必中分而截之使鹹淡不相汨其爲陂也堰高於岸以捍海潮左右疏渠以導溪水爲大小一百七十八溝以曬其流設陡門七處以時啓閉於土名東角遮浪兩處築石隄一千一百餘丈蓋木蘭陂爲水之源東角遮浪爲水之委自西南至東北水勢建筵而下三十餘里濼洄溥徧處處以石工爲鈐轄旱潦瀦洩高低有定操縱在人使水旱不足爲患此木蘭陂蓄溪障海灌漑南北洋田畝之大概也莆田賦額甲通省溪流爲海水所汨膏腴化爲斥鹵產米不足供闔境之需轉致仰資他邑欲修復者歷有年所苦

莆陽水利志

卷五

三十六

於工鉅費繁且無熟悉工程衆所信服能任其事之人道光五年訪有該縣進士原任直隸武邑縣知縣陳池養曾修太平南安兩陂著有成效令其到省面商估工計費陳池養殷然以全工自任臣等率同前藩司惠顯前臬司張

青選興泉永道倪琇等捐廉倡始隨令興化府知府徐鑑署興糧通判侯官縣知縣袁鴻莆田縣知縣王廷葵勸諭該邑紳士商民題捐輿情樂輸於道光六年四月二十二日開工修復木蘭陂兩岸石工修濬溝閘陡門石隄涵洞各工仍照舊制工料加倍堅固又查有署福防同知壽甯縣知縣陸我嵩識曉工程會署莆田縣事民情愛戴委令

督同試用從九品顏叙功將樂縣典史周湛然前往監工
七年七月間風雨狂驟海潮歎湧東角遮浪舊隄殘缺竟
有基址全無之處難禦波濤勢甚危險該府廳縣及委員
等召集人夫及近地鄉民冒險搶築得保平穩是該處石
隄爲海濱保障關係尤鉅亟應修築而採石頗遠溪澗間
隔僱募船隻分投載運在在需人復添委莆田場鹽大使
金承華署興化府經歷秦師韓監採石料尅期運送按照
工程做法排釘木椿以植隄址磨石疊砌以固隄身合用
灰漿以實隄腹尺寸加高於舊其內復鑲護土隄一道並
用碎石遮護隄根俾資鞏固於八年四月初八日一律工

莆陽水利志

卷五

三十七

竣飭委候補道胡祖福前往勘驗收工委係堅固合法並
無草率偷減出具切結由前任藩司吳榮光具詳請將在
工出力人員及捐輸較多各紳士等

奏請獎勵前來臣等查例載修城築隄士民捐資十兩至五
十兩以上者分別賞給花紅匾額遞加獎勵三四百兩者
奏請給以八品頂戴如本有頂戴人員於奏請時聲明聽
部另行議叙一二千兩及三四千兩者題請從優議敘各
等語此次莆田縣水蘭陂工程據府廳縣詳請共用制錢
一十四萬一千五百千文有奇自應按其捐數最多者同

在工出力官員

奏請分別獎勵議叙查興化府知府徐鑑督飭稽察全工不使稽延草率應請交部議叙署福州府海防同知壽寧縣知縣陸我嵩政聲卓越委辦要工調度稽查不避嫌怨會同勸捐極爲妥辦署興化府糧捕通判侯官縣知縣袁鴻先經卓薦海疆俸滿加通判銜此次督察工程彈壓人役催收捐費極形奮勉莆田縣知縣王廷葵在閩年久素稱能事此次派工開溝親赴各鄉勸諭踴躍始終兩年不辭勞瘁以上三員急公任事倍著勤勞仰懇

皇上

逾格鴻恩以同知直隸州儘先補用試用從九品顏叙功將樂縣典史周湛然約束工匠梭織稽查督催不懈顏叙

莆陽水利志

卷五

三十六

功請免補本班同周湛然俱以府經歷縣丞補用莆田場鹽大使金承華署興化府經歷候補縣丞秦師韓僱募船隻督工運石往來稽查頗著辛勤應請交部議叙原任直隸武邑縣知縣陳池養因武邑任內縣民劉五被劉連學謀命案內相驗漏報傷痕並將罪應擬杖之劉士一失入滿徒部議降三級調用係屬公罪此次承辦全段工程晝夜辛勤不遺餘力要工速葺水利溥周應請送部引

見其

捐數最多之衿士鄭必達呂廷鑑翁夢雲劉文光捐輸錢文折銀均在三千兩以上仰懇

文折銀均在三千兩以上仰懇

四百兩以上請

旨飭部分別議叙又監生鄭道立捐錢六千千文捐數最多首先提倡尤爲奮勉可否

賞給副榜貢生用示鼓勵之處出自

恩施除捐數及捐戶履歷由司另行造冊詳請咨部尙有紳民八等捐輸錢文折銀在三百兩以下者飭令該道府督飭地方官照例分別賞給花紅匾額遞加獎勵外所有修復水蘭陂水利完竣並請分別獎勵緣由臣等謹恭摺具奏伏乞

皇上聖鑒訓示謹

蒲陽水利志

卷五

三九

奏

福建布政使司程爲知照事奉巡撫部院韓案准吏部咨文選司案呈吏科抄出本部會題前事議得道光八年七月二十九日內閣抄出二十七日奉

上諭孫爾準等奏修復水蘭陂各工完竣請將捐輸紳士及督辦出力人員分別獎勵一摺福建莆田縣水蘭陂水利年久淤塞前經該督等奏明督率紳民捐輸修治諭令於工竣時核其捐數最多及尤爲出力者分別保奏茲據奏連年增築石隄修濬溝閘各工一律完固自應將該處紳士官員量加獎勵着照所請興化府知府徐鑑着交部議叙

署福州府海防同知壽甯縣知縣陸我嵩署興化府興糧
通判候官縣知縣袁鴻莆田縣知縣王廷葵俱着以同知
直隸州儘先補用試用從九品顏叙功將樂縣典史周湛
然俱着以府經歷縣丞補用顏叙功着免補本班莆田場
鹽大使金承華署興化府經歷候補縣丞秦師韓俱着交
部議叙原任直隸武邑縣知縣陳池養着送部引見其捐
數最多之紳士鄭必達呂廷鑑翁夢雲劉文光俱着交部
從優議叙紳民林瑞麟等均着交部分別議監生鄭道立
捐數最多尤爲奮勉着賞給副榜貢生餘着照所議辦理
該部知道欽此欽遵抄出到部旋據該督

莆陽水利志

卷五

四十

等將捐輸應叙官員紳士造冊咨送前來除以同知直
隸州儘先補用並送部引

見各員及

賞給副榜貢生之處臣部欽遵

諭旨另行分別辦理外應將冊開捐錢四千文並勸捐出力

之興化府知府徐鑑給予加三級紀錄二次首先倡捐錢
一千千文之興泉承道倪琇給予加一級紀錄二次首先
倡捐銀八百兩之閩浙總督孫爾準給予加一級紀錄一
次捐錢一千千文之捐職州同林瑞麟給予加一級首先
倡捐銀四百兩之巡撫韓克均捐錢四百千文並董事出

力之福興場鹽大使金永華等均給予紀錄三次首先倡捐銀三百兩之布政使今陞都察院右副都御史駐藏大臣惠顯前按察使今降調以道員用之張青選捐錢五百千文之捐職州同翁文輝捐職布政司經歷翁邦達等均給予紀錄二次捐錢四百千文之署仙遊縣知縣唐黃裳舉人鄭際禧捐職州同林檀江西臨川縣知縣陳雲章捐錢二百千文鹽法道今患病之朱桓督糧道今丁憂之王惟誠仙遊縣知縣劉功傑下里場鹽大使延年等均給予紀錄一次至僅係董事出力奉

旨交部議叙之署興化府經歷試用縣丞秦師韓應給予紀錄

莆陽水利志

卷五

四十一

二次捐錢三千千文之捐貢生鄭必達給予按經歷職銜捐錢二千千文以上之生員呂廷鑑監生翁夢雲並捐錢二千千文之童生劉文光各給予州判職銜捐錢六百千文之生員陳光家童生林向瀛捐錢五百千文以上之貢生張金蓄鄭遐年捐職從九品林聖珠生員陳文初捐錢四百千文以上並捐錢四百千文之監生陳昌期宋肇慶廩生宋登瀛捐貢生鄭正芳民人吳子榜等均給予八品頂戴其捐錢一百千文之福州府知府現任廣西按察司何煊署前江場鹽大使試用鹽大使張樹等所捐均不及議叙紀錄之數應毋庸議兵部查捐錢一千千文之武生

郭長青同捐錢一千九百五十千文之武生翁樹芳翁鳳
英捐錢九百二十千文之武生林承露均給予八品頂戴具
題於道光八年十月十八日奉

旨孫爾準着加一級紀錄一次韓克均着紀錄二次惠顯着紀
錄二次餘依 議欽此

請創陂首功錢女列入祀典奉摺

奏爲修復水蘭陂工竣請將創陂首功錢氏室女列入

祀典以崇報功事竊福建莆田縣治瀕海合三州縣三百六
十澗之水鹹淡交流不爲利而爲害自宋嘉祐以前禾苗
不長惟蒲生焉邑乘謂莆田名縣之所由來也至宋治平

莆陽水利志

卷五

四十一

元年有長樂錢氏室女傾資築陂已成而爲潮所壞錢氏
痛憤赴水捐軀邑人立廟祀之橫山之麓其後侯官人李
宏踵而修之陂始告成以溉南北兩洋田畝邑人立廟奉
祀淳祐年間李宏錢女皆賜協應廟額景定三年封李宏
爲惠濟侯錢女爲惠烈協順夫人迨明宏治十年從御史
周進隆之請以李宏入於祀典錢女未與竊惟初始者難
爲功李宏克底於成而錢女首事之功良不可沒

臣爾準

道光六年由臺灣回省紆道過陂前土民數千人攔輿訴
稱本年十月十六日築岸下鍵洄流蕩激屢築不立董事
人等禱於錢女廟中其夜工匠皆見紅燈出廟明日視其

紅燈旋繞之處水落沙露下鍵卽成臣以語涉不經雖卽駁斥而遺澤至今民不能忘卽此可見茲全功告竣該邑舉人蘄洽淑等復呈懇昭李宏之例將錢女並列

祀臣等伏查錢女首開大利貽諸無窮莆人尸祝比之畏壘庚桑洵有合於禦災捍患則祀之功德及人則祀之之義仰懇

聖恩俯允將長樂縣錢女仿照李宏之例並列

祀典每年於東作方興之際飭令地方官致祭一次以慰輿情而昭祈報臣等謹合詞具

奏伏祈

莆陽水利志

卷五

四十三

皇上聖鑒訓示謹

奏道光八年八月初四日奉

上諭孫爾準等奏修復水蘄陂工竣請將創陂首功錢氏室女列入祀典一摺福建莆田縣治於宋治平元年有長樂縣錢氏室女傾資築陂該處土人立廟崇祀據孫爾準等奏稱現在尚著靈異着照所請卽將長樂縣錢氏室女列入祀典每年於東作方興之時飭令地方官致祭一次以慰輿情而昭祈報欽此

莆田水利志卷五

陳池養編

公牘

木蘭修陂南洋濬溝文檄

興化府知府徐鑑署興糧通判李嗣鄴莆田縣知縣王廷葵稟府屬莆田縣城東南數十里平洋田畝賴木蘭陂溪流灌溉按縣志載是溪發源永春州德化縣仙遊縣匯三百六十澗之水由瀨溪入莆直趨於海宋熙寧八年有侯官人李長者宏奉詔擇地木蘭山下疊石立陂三十二間置閘啓閉陂深二丈五寸澗三十五又上障溪水下截海莆陽水利志

卷五

四

濬於陂右疏渠道水溉南洋上中下三段民田萬有餘頃計大溝七小溝一百有九上段溝深一丈澗一丈三尺中段溝深一丈三尺澗二丈四尺下段溝深一丈五尺澗二丈七尺元總管郭朶兒張仲儀於陂左近上斜開萬金陡門分溉北洋定爲南七北三分食其利宋元明及

國朝初年均有修理皆因陂隄石工傾圮修整復舊惟乾隆

十七年李長者之裔孫泌獨力修陂因並疏濬萬金陡門以下北洋溝道二百餘丈而南洋陂水順流溝道深廣無患淤塞自嘉慶二年七月莆邑大水山裂泥沙隨水而下陂之上流靠南淤積里許南渠之迴瀾橋亦被壅塞溪流

改常疾趨北岸滌洄而入南渠此南洋所以患水不足也
渠水經荷包瀨總溝因壺公山裂壞大水衝注沙石溝中
咽塞小舟難行渠頭橋以下上段中段大小各溝均湮塞
有全行沙壅者下段小溝亦多湮塞處所用澤稍愆農民
車灌爭水嘉慶二十二及二十四五年俱元旱歉水若再
數年沙愈積溝愈淺有甚於今日者是修防固屬緊要而
疏濬溝道尤刻不容緩卑府等伏思木蘭水利關係農田
亟須修復趨此冬令水淺之時連日往看始由水道繼復
登陸周歷巡閱詢悉情形謹將應辦各工爲大人陳之

一木蘭陂原設三十二門嗣改二十九門置閘障水南注

蒲陽水利志

卷五

四十五

今南渠之口膠沙壅遏水勢不暢應將積沙開挖里許遵
古設立閘夫專管大水開閘放沙並隨時用小船梭盪俾
開放時沙掣入海水順入渠則南洋不患少水

一木蘭陂南岸沙壅水勢疾趨北岸大水吃重現頂溜處
所已有傾塌蟄陷應修固又南岸亦有蟄陷應修

一荷包瀨沙石壅塞應開既開後宜從寶勝溪設三堰俾
水過而沙石不下不至旋開旋塞

一荷包瀨而下爲渠頭橋渠頭橋而下爲三溝嘴現均湮
塞其南一支溝分往下坂東溝橫塘沈塘溝尾等橋十五
里上段大小各溝均湮塞深不過三四尺有一二尺者有

全行沙壅者愈積愈甚應照古丈尺開挖

一三溝嘴北一支溝分往金城庵新度土坂厝柄樟橋等處十餘里中段大小各溝均湮塞深不過三四尺有僅一
二尺者愈積愈甚應照古丈尺開挖

一荷包瀨以上另沙溝一道漑壺塘溪東等村由岳公橋
出口現湮塞應開

一北一支溝過黃石再分一支溝經沙隄塘塍登鼇頭等
村至企石灣尾現湮塞應開

一壺公山裂壞成澗壅沙入海應從各裂壞口狹處築壩
漸築漸高水過沙留山體漸固不至又有衝塌壅遏

莆陽水利志

卷五

四六

一木蘭陂水由萬金陡門分漑北洋至府城外與延壽陂
水匯流其北洋環城之豐美崔亭白馬廟頭亭二亭四亭
等村溝道亦淤淺應開

以上各條經卑府等逐一查勘均係應辦要工其如何籌
款如何任人工段如何分派石料如何採辦容量明丈尺
樽節確估另行具稟今將查勘情形繪圖註說肅稟

興化府知府徐鑑署興糧通判李嗣鄴莆田縣知縣王廷

葵稟木蘭陂水漑溉府屬莆邑東南數十里平洋田畝日

久隄口沙壅溝渠湮塞業將會勘應修情形繪圖貼說稟

請均鑒卑府隨飭承將應修應濬逐一加勘估悉心酌議查

水蘭陂南北隄岸既有傾塌此不可不急謀修復以期保固南渠陂口壅沙阻水以致南洋患水不足應掘深五尺俾水得順入南渠此不可不急謀疏導以期暢流陂口壅沙既難盡開恐仍積阻爲患應買田設立閘夫令承種叔利專管開闢放沙並設小船卽令閘夫挖掘棄海不使膠黏易於開放此不可不急謀設立以期善後又荷包瀨沙石壅遏哽塞水道應開深六尺荷包瀨而下爲渠頭橋三溝橫塘等村全行湮塞其一北漑新度厝柄樟橋以下三十餘里大溝經流之處現湮塞十餘里應將兩道大溝先

行開深此不可不急謀疏濬以期通暢大溝疏通後支溝壅塞宜令一律深通以便蓄積又寶勝溪應度地設三堰俾水去沙留不至又有壅阻各山坍塌有碍溝流者宜於口狹處堵築庶滯者漸通通者不至復滯再洋城斗門宜遵古制不得設立石限以致溝渠積沙又東山斗門任意啓放漁利東角遮浪多設涵洞漏水應設法嚴禁毋令溝流旁洩以上皆當以次謀及此工程先後緩急之大概也核計各工如水蘭陂岸之應修石工壺公山澗之應築石堰山麓坍塌之應堵築開闢放沙之應置田設夫開溝積沙之應僱船傾棄以上五件宜捐資公辦至南陂口及荷

包瀨二處挖沙則應按鄉輪日出夫如某日派某鄉先期示知臨時齊集開掘不許偷惰其渠頭橋以下各大溝應分按得水村莊計若干田畝按田派工按工派段分段插標開至古丈尺每年十月半堵塞南陂口將溝水盡數放海始可開掘其沙暫壅溝頭之田十二月半放陂水入溝僱船載所積溝頭之沙由斗門傾入於海未完之工次冬接開大溝既開其支溝則直按車灌得水之田責令開掘深通卑府等再四圖維衆力難齊派工原非善策惟工費浩繁全係僱工費無所出不得不兼用民力每畝所派之工主佃各半分作三年以漸承修其應捐資修理之處爲

數仍復不少應由卑府等先行捐廉倡修南洋殷戶當無不踴躍之理又各港溪船亦可酌量出資津貼此又捐資派工之大概也至於用人須擇端正紳士爲之董率以專責成現有原任直隸武邑知縣陳池養端方曉練道光三年修理太平南安二陂著有成效可以委任餘就各鄉中擇其公明幹練爲鄉人信服者小鄉一二人大鄉或三四人或五六人分理集資出夫收指臂之效但不許藉端牟利亦不許鄉人有心阻撓此又任人之大概也卑府等現在延集南洋紳士富戶耆民僉議開明得水田畝按畝勻派設法勸捐務期事必有成合將籌議緣由并勘估丈尺造

冊稟請察核示遵

總督部堂孫爲曉諭修復水利事照得興化府莆田縣所轄本斤鹵沮如不毛之土自宋熙寧間侯官李長者宏創陂截海遏永春德化仙遊三百六十澗泉流匯漑南洋田萬有餘頃元代又開萬金斗門分漑北洋南七北三分食其利沮如斤鹵盡變膏腴田賦甲於通省歷元明至

國朝初年旋廢旋修工程大小不等嘉慶二年秋大水山裂沙壅陂隄傾圯大小溝渠湮塞一遇雨澤愆期旱乾爲患農人車水灌田爭端百出是修陂濬溝無如今日之亟莆人知其亟而遲之數十年無能集事者蓋富民多吝狃

莆陽水利志

卷五

於苟安則捐資難鄉民多愚習於便已則派工難非捐資則陂不可修非派工則溝不可濬修陂以治其源濬溝以暢其流修復之方不容偏廢所當與莆之人講明切究者也本部堂蒞閩日久深知莆邑民情因循觀望非爲之大聲疾呼不可與集費而圖始非爲之通力合作不可與鳩工而落成屢與守令等籌議修復茲據興化府徐守興糧廳李丞莆田縣王令會稟籌勘緣由呈送圖說估冊前來經本部堂批示遵行訪有陳紳池養好義任事前修太平南安工程著有成效衆所信服敦請董率興修並捐廉銀爲倡司道府廳咸各捐廉而工費浩繁不能不用民力爲此示

仰莆邑紳士殷戶軍民人等知悉爾等生長茲土當知水利民生所關前人創其功後人享其利廢而不修民命曷託現需築壩運沙之費固鉅而積少成多衆擎易舉出有限之貲興無窮之利苟有知識諒所樂從爾等不爲農田計不爲衣食計乎不爲目前計不爲子孫計乎至宜濬之溝大者七小者一百有九令該紳董僉舉公明幹練之人協同辦理如府廳縣所議按得水村莊計畝派工主佃各半按畝開濬費不繁而工舉一切捐資派工在地方官與該紳董開誠勸導工惟經久事在必成果有急公好義踴躍捐輸本部堂當隨其捐資之厚薄分別

莆陽水利志

卷五

五十

請議叙並建坊給匾以示鼓勵如有把持撓阻貽誤要工許該紳董等指稟地方官嚴究

巡撫部院韓爲曉諭修復水利事照得莆田縣轄東南一帶平洋田畝全藉木蘭陂水灌溉年久失修陂隄塌卸溝渠湮塞一遇旱乾農民車灌爭端百出是修陂濬溝爲當務之急不容稍緩前據興化府徐守興糧通判李丞莆田縣王令會勘籌議具稟敦請前任直隸武邑縣陳令董率興修因工費浩繁不得不用民力先經督部堂孫倡捐廉俸剴切曉諭續據該道府廳縣先後會稟擇於四月廿二日開工至開挖泥沙令各村按得水田畝俟冬初派工疏

濬並稱有童生鄭道立捐番銀六千圓同南洋富戶捐番銀一二十圓及數百圓不等急公好義旣不乏人觀感興起自必不少茲該府廳縣先行墊發捐項採運石料購買器具一俟冬田收割卽截陂放水於海以便修挖查修陂以蓄其源濬溝以暢其流二者不可偏廢所慮富民心存觀望不思久遠之圖鄉民溺於便安罔顧身家之計工程開創歲事爲難須知地方官諄諄勸諭爲爾民根本計也爾等生長是邦坐享其利分應同心協力共襄厥成茲本部院捐廉銀四百兩以冀集腋成裘除發藩司轉發應用外示仰莆邑紳士軍民人等知悉現當截陂放水挑濬大莆陽水利志

卷五

五十一

小溝渠乘此冬晴農隙該紳民務照府廳縣所議按得水村莊計畝派工主佃各半卽日按段開濬趕春前一律疏通此後莆邑益裕衣食之源永無旱潦之患本部院有厚望焉惟需費尙繁尤賴衆擎易舉果再有踴躍捐輸之人本部院當會同督部堂按捐資多寡

奏請議叙並給匾建坊大加鼓勵至挖掘各溝兼用民力攬有把持刁抗許紳董等指名具稟地方官就近拏究

興化府知府徐鑑署興糧通判袁鴻莆田縣知縣王廷葵稟莆田縣東南數千里平洋田畝向資水蘭陂水入溝漑灌因陂隄損壞應修溝渠湮塞應濬遵諭確估稟蒙倡捐

出示並於今夏四月廿二日報明開工在案夏秋農田用水未能動修茲於九月初十日起將陂頭北岸原勘傾塌二段續查鰲隔二段修固各石址補缺黏灰於十月十六日堵截廻瀾橋口使水不入溝開洋城林墩東山三斗門放水於海將南岸原估傾塌三段續查鰲隔一段將近修固現又續查鰲隔二段應修趕於十二月望前竣事此回鰲壞處所均徹底拆修務求堅實其陂口湧沙二段上段派調溝口壺塘等十八鄉田畝之在荷包瀨以上者每田一畝出夫一名並工挖沙用船載近北岸陡門棄海已挖十分之六下段積沙較少現修脫沙斗門擬俟放水入溝

後開斗門用牛犁沙陂水放海省挖運之費至荷包瀨宜設三堰亦已採備石料其沙石壅積溝中預調清江以下十八鄉每田一畝出夫二名定期開掘所開沙石擬派溪船運填橫山場陷此處離荷包瀨四里每船各載五次週而復始俟陂口竣事卽行開工至溝渠應濬宜趁冬晴並日挖掘查原勘三溝嘴以南支溝如下華下坂西利等鄉淤塞稍輕已飭開掘其東溝橫塘新塘塔東小橫塘嶺頂塘頭等鄉大小溝淤成平地經勸諭開掘深廣如舊已各開三四百丈及一二百丈不等並飭凌厝以內東宋等九鄉開深溪圳築壩蓄水資漑截沙不使入溝其山澗裂壞

之處用捐項小者卽飭近山之鄉自行堵築又原勘北一支大清淤塞飭錦墩場美仙路厝柄樟橋洋城等鄉疏濬是處溝大沙多擬動捐項津貼其支溝亦令連工挖掘又原勘塘下塘睦登鰲頭溝渠湮塞諭令開濬又續查沙坂大小溝應開金墩埕尾亭下三處溝應開后洙井埔溝邊三鄉大小溝全塞應開五龍橋邊溝應開徐厝澳頭西山三鄉溝應開均分別飭諭開掘又續查後洋陳山斗南鄒曾徐等十餘鄉離木蘭陂水源甚遠勸諭開掘又維新里沙溝應開勸諭壺塘橫溝等十鄉開掘此外尚有應開容逐細趕查現民情踴躍可望成功經委員分段督率卑府

莆陽水利志

卷五

五十三

督同卑職王廷葵等梭織董勸以冀一律深通所開沙礫暫壅溝頭之田俟開陂通流趕緊集船次第運棄於海其沙土可用者勻入田中合將全洋遵辦開溝情形詳細具稟

興化府知府徐鑑署興糧通判袁鴻莆田縣知縣王廷葵稟
荷包瀨於十二月十三日開工日集人夫一千餘名
上碎石厚逾二尺頗艱開掘下係積沙尙不大難查距荷包瀨四里許橫山一帶溝逼海汊潮齧隄岸今卽以挖起碎石運至該處填護保固刻下南洋大小一百十餘溝一律深通荷包瀨挖掘月底可畢其實勝溪石堰必須趕緊

以防山水春發仍衝注沙石現召匠疊石妥速辦理再各處挖出沙礫堆積田中有碍春耕尤須多集船隻同時運棄卑府等出示招集海溝船八百隻每日船給賃錢五十文每船水手二名各給飯錢一百文酌泥沙之多寡分派船隻編號挨運於新正舉行查築堰以防沙石運沙以便春耕皆目下要務二月望前務期竣事費用既亟加之東角遮浪購備石料造隄所需尤鉅非北洋殷戶一體捐輸難期足用卑府等與董事陳池養廣爲勸諭總期經費不欠大工經久趕緊報竣以副憲懷

宮保總督閩浙蘇巡撫福建韓

爲曉諭勸修事照得莆田縣之壺公鎮山分

卷五

支東行數十里樹木砍伐殆盡居民無可樵採控掘草根壤朽水注決爲澗道泥沙壅遏田園溝填成地山上墳墓亦有頽毀上年開溝將澗道泥沙入溝者先行堵截保護溝渠雖壺公三台城山裂壞尤甚之處堵築已有成效而旁近未修築尙多均應一例築固爲此示仰紳耆董事人等知悉務向壺公山周歷確查裂壞幾處裂壞若干丈尺相度形勢分鄉妥築務使水過沙留山體漸固溝渠無壅塞之虞田園免衝壓之患水源停蓄墳墓保全特示

總督孫

巡撫韓爲特再曉諭勸助速葺要工事照得莆田縣之水

蘭陂年久失修陂隄塌卸溝渠湮塞昔之爲利者轉致爲

患本部堂率同司道並府廳縣捐廉倡修飭縣敦請公正紳士董率工鉅費繁不能不用民力經給示勸捐隨有童生鄭道立等先後題捐極爲踴躍本部堂據情會

奏欽奉

諭旨所辦甚屬有益殊堪嘉獎統俟各工全行厥事卽覆其捐數最多尤爲出力者分別奏明再降

諭旨等因欽此當經恭錄轉行欽遵在案是該紳民等好義急

公既可惠溥維桑又得榮膺

懋獎善其始者必觀厥成本部堂

陸見南旋正在拭目以俟本部堂亦屢經諮詢謂可卽日蒞工

莆陽水利志

卷五

五十五

乃聞莆邑紳士忽爾互相觀望不特續捐寥寥卽已捐亦多未交工程喫緊之際東角遮浪海隄急須購料趕修何以該士民等踴躍於前觀望於後或見水勢通暢工程已可告竣不但有初鮮終深爲可惜且無以仰副

聖天子高厚恩施渥邀

獎勵實爲該紳民等不取也合再剴切曉諭莆邑紳士殷戶軍

民人等當知籌辦農田水利爲爾等久遠之計務卽勸勉

樂輸迅速交收以期大功速成此中捐數較多者定當遵

旨奏請從優獎勵如有頑梗之徒從中把持阻撓致悞要工許

紳董等指名呈官嚴拏究懲

